

# 郭文緯上京教反貪

## 培訓大收旺場

**廉**政公署前副專員郭文緯對付貪污形象鮮明，雖然人已離開廉署，但仍然積極推廣廉潔政策。郭 Sir 年初去過北京，舉行八日密集式課程，向國家發展和改革委員會成員、稽查辦等一百三十名官員提供培訓，場面墟冚，大收旺場。

反貪已成大陸政府迫切要學習嘅課題，各級政府都要加強對官員嘅培訓，郭文緯亦成為星級講師。浙江十一市、四十多名官員專程來港，參加港大專業進修學院嘅「高級行政人員反貪研究證書課程」，聽郭 Sir 教學。課程連續六日密集進行，省政府更全數資助官員來港學習添。

隨着內地經濟起飛，要同國際接軌，來港為反貪取經可說最方便不過。專程來港出席昨日開學禮嘅浙江大學繼續教育學院院長朱善安亦話，日後打算會繼續帶團來港學習反貪。不過，當佢見到有香港記者，就即刻唔係好想講，其實院長都唔使咁驚啫。



◆郭文緯（前排中）成為反貪明星講師，昨日又開班授徒。